

Visoki predstavnik dozvolio vraćanje putnih dokumenata članovima porodice Radovana Karadžića

Visoki predstavnik Miroslav Lajčák danas je poništio svoj nalog o oduzimanju putnih dokumenata članovima porodice Radovana Karadžića. Vlasti BiH sada mogu vratiti dokumente oduzete od supruge Radovana Karadžića Ljiljane Zelen-Karadžić, kćerke Sonje Karadžić-Jovičević, sina Aleksandra Karadžića i zeta Branislava Jovičevića. Ovim licima dokumenti su oduzeti 9. januara 2008. godine, u okviru širih mjera koje su poduzete s ciljem da se sprijeći djelovanje mreže pomagača koja je omogućavala Radovanu Karadžiću da ostane na slobodi.

Nakon konsultacija sa relevantnim međunarodnim i domaćim partnerima i institucijama, visoki predstavnik je zaključio da više ne postoje razlozi zbog kojih su oduzeti putni dokumenti od spomenutih četvoro lica. Oni sada imaju pravo na povrat putnih dokumenata, uključujući i lične karte. Ova odluka stupa na snagu odmah. Ograničenja protiv ostalih lica ostaju i dalje na snazi.

Balans između zaštite procesa implementacije mira i prava pojedinaca, kao i principi pravičnosti, dobre uprave i promišljenog realizovanja međunarodnog mandata visokog predstavnika opravdavaju ovakav ishod.

Odluka koju je danas donio visoki predstavnik ne prejudicira nikakvu sadašnju ili buduću istragu protiv ovo četvoro lica, niti pravo visokog predstavnika da poduzme bilo kakve buduće mjere protiv bilo kojeg lica ukoliko pokuša da opstruira ili prijeti da će opstruirati implementaciju Općeg okvirnog sporazuma za mir.